

Izjava visokog predstavnika Inzka u vezi sa sporazumom o Vijeću ministara

Pozitivna vijest je da su lideri, nakon toliko vremena, konačno postigli dogovor oko Vijeća ministara i drugih važnih pitanja. "Čestitam im", rekao je danas visoki predstavnik Inzko.

„Pozivam političke lidere da dalje nastave ovaj pozitivni trend. Novo Vijeće ministara će se u narednim mjesecima suočiti sa mnogo značajnih izazova – izazova koji se moraju prevazići kako bi zemlja krenula naprijed na način koji će donijeti dobrobit građanima“, rekao je Inzko.

Visoki predstavnik je istakao da će novo rukovodstvo morati usvojiti globalni fiskalni okvir i državni budžet koji će osigurati potpuno funkcioniranje državnih institucija i ispunjavanje međunarodnih obaveza BiH; preuzeti hitne mjere da bi se promovirao ekonomski rast i stimuliralo zapošljavanje; ispuniti obaveze koje će osigurati napredak u pravcu integracije u EU; te završiti sve mjeru koje su neophodne da bi se omogućio početak provedbe Akcionog plana za članstvo u NATO-u.